

中國香港體育協會暨奧林匹克委員會 (港協暨奧委會)

「奧夢成真」計劃 2015-18 畢業典禮

2018 年 7 月 6 日 (星期五)

周大福慈善基金理事紀文鳳演辭 (廣東話)

[霍震霆會長]、[王敏超秘書長]、各位嘉賓、各位奧夢教練、各位校長、老師、各位同學：

大家好！我好高興今日代表周大福慈善基金出席「奧夢成真」計劃畢業禮。記得三年前，利希慎基金 Cecilia 同港協暨奧委會 Ronnie 王敏超先生首次向基金會介紹「奧夢成真」計劃，提及點樣利用本地退役奧運運動員的專長去教導和帶領年青人尋找目標、發奮向上，達到退役運動員及學生雙贏的概念時，基金會鄭家成主席及理事們都認為項目非常有意義。

時間過得好快，三年後嘅今日，見證在座參與學校嘅校長、老師、學生們與及香港數十位運動精英精神奕奕地聚首一堂，聯同主辦單位「港協暨奧委會」嘅大力支持推動下，將「奧夢成真」辦得如此成功，使到呢個「奧夢」計劃名符其實，終於可以成真。

周大福慈善基金係一個家族基金會，過去一直以教育培訓、醫療衛生、社區服務、緊急援助為基金會重點支持嘅範疇，藉著撥款支持非牟利慈善團體，鼓勵跨界別、跨專業的衷誠合作，為社會上有需要的群體提升個人能力，累積社會資本，期望可推動社會持續發展。

這計劃嘅退役運動員是第二段職業嘅人生起點，佢地的經驗同奮鬥故事亦都係社會重要資產、係年青人的好榜樣。「奧夢」計劃成為一個平台讓退役運動員呢啲珍貴資本同我地嘅年青人連結起來，成為師友。讓年青人可嘗試學習不同的運動，學習奧林匹克精神，學懂團隊合作、溝通紀律，鍛鍊意志，發掘潛能。

最後，我祝願各位同學响未來人生路途上，繼續勇往直前，向夢想進發。也祝福各位奧夢教練退役後嘅生活更精彩，繼續為香港運動教育薪火相傳，以運動改變生命。

多謝各位！